

畿輔通志卷二百二十九

列傳三十七

國朝四 順天四

國朝

順天府

順義縣

張振威

李竹林

密雲縣

鄭適元

趙士魁

李廷彪

任式坊

子家駿

涿州

朱萬祺

子偉

王存智

馮源濟

劉芳喆

陳鉉

趙植

楊如樟

朱一鳳

高國棟

陳心正

子秉信

張藩

胡連

吳國棟

楊燕緒

盧圻

劉湘

楊開第

趙庭荃

楊鏐
鏐子際運

盧坤

楊銜

康懋敷

王萬齡

蕭鵬起

劉俊

石永山

張耀

楊嘉運

王治國
陳德順

高福

邊樹藩

房山縣

常純

子履剛

霸州

劉瀾

祖可復
祚

父光

王之珙

郝維訥

崔士瞻

子應鳳

韓柳

崔恂

蔡湛

陳謨

張國卿

崔雲驛

崔偲子宜枚

王應泰

孟友龍

張大良

吳邦慶

崔侗

王侗崔任

李文才

賈允恭

附殉難諸人

文安縣

王原

王景祚父守明

陳愼弟協

何衡泗

姜揚武

邢澄任璽紀汝彝

王國華
樊顯宗

劉新第

邢雲霑

高光夔

紀元

井在

紀愈

井鑑

井睦

紀晁子進宜

紀達宜

紀邁宜

陳儀子玉友

紀淑曾父晉

王世興

紀曾藻

紀淦父曾華

何泰昌

大城縣

劉捷

李汝華

薛溥劉玉

藺從哲

張企生王照乘

趙昺任奎英

康套

鄧曰標王夢熊
孫冠賢
田錫華

呂仕發

王曾蔭

王廷瑞楊鳳墀

劉炤巖附賈毓
珩等

宋紹濂

保定縣

劉克家

馮壯

劉餘澤

岳毓粹

姜順龍

薊州

李孔昭

楊大年

程天祐

弟天才

趙璿

蔣懋德

平谷縣

王札

徐進

順義縣

張振威字虎臣生有膽識由武庠生入營咸豐二年從古北口提督陳金綬征揚州以戰功拔補千總賞戴藍翎九年官軍與賊戰於六合失利死之山永協左營把總李竹林同時殉難奏入均

賜卹予雲騎尉世職

採訪冊

密雲縣

鄭適元順治六年進士知江南潛山縣兵燹後一意撫綏修

舉廢墜與鎮將梁大用興築土城守禦有備民樂安堵治聲

翕然

江南
通志

趙士魁字美和康熙六十年知四川會理州政簡刑清內擢
刑部員外郎轉戶部郎中清釐積弊詳請蠲一切徵收雜費
吏胥畏服舊習頓除上臺器之

四川
通志

李廷彪乾隆五十一年由行伍補右營外委遷中軍左哨千
總嘉慶元年從征陝西教匪以戰功遷守備踰年擢忠順營
都司六年賊張添倫竄甯羌州提督慶成督兵進勦賊由尖
場子奔流沙坡廷彪偕參將吳亨衍等率兵迎擊賊併力抗
拒廷彪奮勇衝突戮數十人禽獲百餘人賊大潰七年慶成
以略陽沔縣老林餘賊盤踞檄廷彪往平之乘夜前進猝與
賊遇力戰沒於陣事聞

賜卹如例世職雲騎尉

國史忠義傳

任式坊字亦春尙義慷慨負經世略咸豐二年舉於鄉明年成進士授禮部主事釐定舊章恪勤稱職十年夷人犯順逼京畿人無固志式坊上書當路請速籌戰守以安人心十一年捻匪擾山東式坊投筆從戎敘功出知江西瑞州以憂去同治五年改守雲南安順府行至玉屏猝遇苗變死之時年四十有五子家駿亦同時殉難事平

賜卹典贈太僕寺卿

採訪冊

涿州

朱萬祺字敬迓一字范瞻警敏有幹略爲諸生猿臂善射明季李自成陷京師遣僞官徇涿城括富室金錢衆共憤怒萬祺鳩勇士十餘人殺之自成怒率衆來攻萬祺多方守禦城

賴以完

大清兵南下賊遁以萬祺爲本州參將順治三年

世祖幸盧溝萬祺橐鞬扈

蹕

賜冠帶明年

詔封鎮國將軍後佐治河以勞卒於官

州志兼採雍正志

子偉字駿侯博學

善屬文工書法不樂仕進自號煙火神仙自爲傳以言其志

人爭傳之

州志

王存智陝西守備順治六年姜瓖據大同叛賊黨攻榆林城

陷存智率衆巷戰爲賊所執不屈死

忠義傳

馮源濟字胎仙一字穀園父銓見雜傳源濟幼聰穎年十二

爲諸生登順治十二年進士

世祖知爲銓子

召見南苑溫語褒嘉由庶吉士授編修累遷至侍讀學士坐事鐫級

未幾下父憂服闋授侍讀遷庶子尋拜祭酒卒於官源濟性

孝友以行誼爲鄉人所推重州志工畫山水學董黃布置宏闊

筆墨深厚張庚畫徵錄尤好吟詠著有怡宜樓詩集州志

劉芳喆字宜人別號拙翁順治十八年進士改庶吉士授編

修遷國子監司業能以踐履倡率後學人望歸之康熙二十

四年乞休歸里築草亭於石橋村賑恤孤寒獎進善類鄉黨

敬愛之

聖祖南巡過涿芳喆跪迎道左

召對嘉獎卒於家著有拙翁集拙翁庸語諸書五十五年祀鄉賢州志

兼探雍

正志

陳鉉字國鎮性至孝親亡廬墓三年處兄弟間克盡友愛康

熙二十九年祀鄉賢

州志兼採
雍正志

趙植字玉田幼孤依母盧以居既長爲諸生有文名以歲貢
官訓導性至孝事母先意承志母卒嘔血數升絕而復蘇者
再三日勺水不入口既葬廬墓三年雍正二年奉

旨旌表

州志

楊如樟字子幹幼而穎異潛心經史家貧授徒爲業康熙間
詔舉博學鴻儒祭酒馮源濟以如樟薦力辭不赴官內黃教諭著有
滄螺集弱宜集若干卷

朱一鳳字詒庭一字丹崖康熙四十八年進士改庶吉士授
編修雍正元年擢御史敷奏多稱

旨時

上方銳意圖治以江南夙號繁劇

詔一鳳爲蘇松太道給白簡俾便宜條奏會海關司權乏人以一鳳請報允至則釐剔積弊吏民畏服調兩淮鹽運使明年西陲用兵改授神木監司供應芻糧咄嗟立辦不以累民間尋坐事鐫級授江西瑞州府知府以老乞休卒年八十有五高國棟性至孝母年七十病篤醫藥罔效與妻王禱於天各刲臂肉以進母病立愈有司旌之名其居爲雙孝村陳心正幼喪母每念及輒悲號不自禁以爲常後居父喪廬於墓側足不入城市者三年子秉信亦敦內行年十四刲股和藥愈母病人以爲有父風焉

張藩善事母母病幾不治藩刲股肉和藥以進遂霍然起又國學生胡連亦以刲股愈母病者閭里均稱其孝

吳國棟性謹厚篤於孝友年九十餘神明不衰其家歷五世
不析產子孫咸秉其教歲歉資粥以食飢者存活無算鄉人
稱爲善士

俱同上

楊燕緒字叔翼父文灝官清豐訓導燕緒生而岐疑乾隆五
十一年舉於鄉大挑以知縣分河南任浙川會湖北秀民齊
王氏姚之富等倡爲白蓮教聚徒煽亂浙川當其衝燕緒慮
之急籌守禦修城隍募壯勇分扼要隘賊知有備不敢犯邑
有無賴子繆名高者謀不軌與賊約爲內應燕緒偵知督兵
役潛往擒斬名高賊至訶知名高死失所恃而遁燕緒率健
卒窮追生擒二千餘人釋脅從者四百人餘皆伏法事定移
治唐縣尋以賊踪迫近調還浙川一切部署由舊踰年改內
黃十二月賊復由川省竄回大府以浙川爲入豫咽喉燕緒

蒞浙川久恩信素孚檄復治之蓋至是三宰浙川民間每聞警不以賊之遠近爲憂喜而以使君之來去爲安危也丁內艱歸起復改浙江攝蕭山令蕭山亦劇邑至則撫孱弱抑豪強期年卽真桐廬日坐堂皇理積牘旁觀皆歎服老訟師袁某久爲民患下車治之政聲大起嘉慶十六年卒於官

州續志

盧圻字曙坪以貢生官山東知縣宰獲嘉振興文教創書院恤寒峻獲嘉地當達道盜賊充斥行者戒途圻令各村鎮設立更房夜給燈油寒給皮衣爐火擊柝之聲四野相聞圻不時馳往巡視閭閻晏然量移安陽其治一如獲嘉先是沁水暴發壞民田無算吏匿不報至是已逾期矣民間籲請蠲賦圻哀之不能行則出貲數千金代輸而後據狀以聞大府知圻賢如所請安陽潁漳河水患頻仍圻相度地勢築萬金渠

以洩水河流順軌而淤墊之患以除民爲立碑紀其事以卓異遷中河通判旋遷下南河同知未幾以疾卒

同上

劉湘字荆川年十三爲州學生旋以選拔入成均乾隆十三年成進士授戶部主事轉禮科給事中視學河南丁父艱呼號擗踊淚下皆血歸喪竟以哀毀卒年三十有九

州志

楊開第字名元乾隆四十八年舉武科五十四年己酉成進士選侍衛出爲山西平垣營守備嘉慶元年從軍陝甘死於陣事平

賜卹如例襲職雲騎尉

續州志

趙庭荃字湘三貢生工詩有湘三詩稿同里楊鏌與其子際運亦能詩鏌字蘭皋嘉慶十五年舉人際運字士會嘉慶二十三年舉人官羅山知縣鏌有翠雨山房詩鈔際運有碧山

草堂詩集

畿輔
詩傳

盧坤字靜之號厚山嘉慶四年進士選庶吉士改兵部主事
累遷郎中隨圍木蘭校步射

賞戴花翎湖南糧儲道調廣東山東兵備道皆在

仁宗朝

成皇帝御極由湖北按察使遷甘肅布政使擢授廣西巡撫調陝西
巡撫時教匪戡定後議者謂南山老林易藪奸不宜墾坤謂
此地漢唐皆開闢金元始荒廢歷舉漢書蜀志唐書宋史證
之且舉漢李翁郁閣頌爲據遂加墾治至今賴焉在陝丁大
母憂小祥後回疆有軍務

特旨以行衣陞見馳驛往甘肅會總督辦理轉餉事宜時逆回張格
爾據四城精銳屯喀什噶爾滿漢官兵三萬七千有奇會於

阿克蘇轉烏魯木齊糧濟之坤上議曰烏魯木齊距阿克蘇三十二站官兵以五萬餘人計日需糧五百石有奇每站須置駝五百有奇共需駝萬有六千關內外臺站又需駝一萬有奇烏魯木齊雇駝七千尙缺二萬請刻期購撥出關其內地之銀餉軍火器械卽以此駝運又請以伊犁糧由冰嶺運阿克蘇又議兵馬過沙漠加給草豆添設民夫酌給羊茶諸事凡十一條皆報可兵自進勦至凱旋共用帑銀千一百餘萬轉輸不竭無虛糜坤之功也服闋補山東巡撫以回疆平加太子少保

賞頭品頂戴調山西廣東江蘇巡撫遷湖廣總督道光十二年湖南逆獠趙金龍作亂坤親往督師密陳湖北提督羅思舉能辦賊時湖南提督海陵阿已在甯遠之下壩被獠誘戕副將遊

擊皆戰殞新田縣知縣王鼎銘死之桂陽常甯諸土獍應賊起衆號數萬官兵未設糧臺而所調常德水師荊州滿騎皆不習山戰坤至始奏罷之而改調鎮筸苗疆兵又以衡州水陸咽喉而常甯屏蔽衡郡當賊祁陽又入衡永捷徑且糧餉後路皆派兵勇防禦餘令堅壁清野檄將弁分路防堵迨湖南湖北兵大集貴州提督余步雲雲南副將曾勝皆率兵來駐勦距賊巢十餘里會大雷雨我兵乘勢進勦賊悉衆抗拒於洋泉街其地爲入山水口有溪通舟楫市長數里民去賊守坤以賊偪歸一路且失其翻山長技密檄各路兵進偪合圍於是羅思舉等晝夜督將弁立泥淖中仰擲火彈火弩延燒民舍數十戶斃賊數千賊黨趙文鳳乞降佯許之攻益急生擒其子女及頭目數百人金龍易服降乘遁爲我兵所殺